

آبونه شرائطی : هر رايچون
سنه لکي (۴۰۰) التي ايلني
(۲۲۵) ، ممالك اجنيه ايچون
سنه لکي (۴۵۰) ، آلتی آيلني
(۲۵۰) غروشد.

نسخه سي ۷,۵ غروشد .
سنه لکي ۵۲ عدددر .

اداره خانه : باب عالی جاده سنده
رشيد افندی خائنده

اخطارات
آبونه بدلي پشيندر .

مسلكه موافق آثار مع المنونيه
قبول اولنور . درج ايدلني
يازيل اماده اولماز .

والله يهدي من يشاء الى صراط مستقيم

باش محرر
محمد ماکف

صاحب ومدير
اشرف اديب

اتبعون اهدكم سبيل الرشاد

الرشيد

آدره صئيدلنده آريجه
• غروش كوندريليدر .

مكتوبلرك امضاري واضح
واوقوناقلي اولسي وآبونه
صره نومروسي محتوي
بولونسي لازمدر

ممالك اجنيه ايچون آبونه
اولانلرك آدرسليرك
فرانسجه يازلسي رجا اولنور .

پاره كوندردليكي زمان نهيه
دائر اولديني بيلديرلسي
رجا اولنور

جلد ۲۴

۱۹ حزيران ۱۳۴۰

* پنجشنبه *

۱۶ ذی القعدة ۱۳۴۲

عدد ۶۰۵

اسرار قرآن

وقالو اتخذ الله ولداً سبحانه الخ الآية

۲

خريستيانلري « الله ايله مسيح بردر » ديهه جك درجه ده ضلاله
دوشورن شبهه لردن بري ده يوحنا انجيلك اوننجي بابنده كي شو آيتدر :
« بن واب برز . »

خريستيانلر كندى شركلريني بو آيتله تايد ايتك ايسيتورلر كن
بوكا بگزدر ديكر آيتلرك حواريون حقنده وارد اولديغني اونوتويورلر .
اوت يوحنا انجيلك اون يدنجي بابنده شو آيتلري كوردويورز :

« هبي براولسون . اصل كه اي اب سن بنده سك ، بن ده سنده يم ، اولرده
زده براولسونلر - بن اولرده يم ، سن ده بنده سك . بو صورتله جله سي بواحد
تشكل ايتسين - اوكون بيله جك سكز كه بن ابد يم ، سز بنده سكز و بن سزده يم »

بويولده ديكر بر چوق آيتلر ده ا كوردولويور . نجبا بونلردن هر
هانكي بري اولورسه اولسون الله ذوالجلال الله باشقه سنه ، يا خود افراد
بشردن برينك الله ذوالجلاله حلواني افاده ايد بيليرمي ؟ هيچ شبهه
يوق در كه بو آچيقدن آچيغه برضالاتدر ، افترا در واسايب كلامي بيلمه مكدر .

حقيقتده ايسه بتون انجيل آيتلرينك ناطق اولديني اتحاد ، عبادك
جناب حقه طاعت وامرينه امثالده بولونملرندن و كنديلرينه چيزيلن
حدودك ايلرينه كچمه ملرندن عبارت برارتباطدر . بو اعتبار ايله انديانك

الله ايله اولان اتحادي باشقه لرينك اتحادندن ده ا متين اولق طبعيدر .
چونكه طاعت الهيه ده انسانلرك مراتبي مختلفدر . آرده بر چوق
درجه لر وارددر .

بوندن باشقه الله ايله اتحاد تعبيريني قابل تجويز كوستره بيله جك
برصورت ده ا واردركه اوده شودر : انبيا جناب حقا رسالاتي تبليغ
ايدن و اونك وحيني بيلديرن وسيل الهيسنه دعوت ايدن كيمسه لر
اولق حيثيتيله جناب حقا بتون قوللرينه كوندريمش اولديني ايلچيلريدر .
ايشته قرآن حكيمده كي (ان الذين يبايعونك انما يبايعون الله يدالله فوق
ايديهيم) نظم جليلي بو صورتله وارد اولان آيات كريمه دندر .

ذاتاً خريستيانلره عائد كتابلر صراحة بيلديركه تثليث فكري
نصرايتك ايلك عصر لرنده يوقدي . انگليز محيط المعارفي شويله سويليورة :
« ايلك كليسا دورنده معروف اولان عقيدة توحيد عهد قديم ايله توراك
تعاليمي اوزرينه مؤسس بولان بر عقيدة توحيد ايدى . صوكره كيده كيده
اورتودوكس مذهب تثليث قارشيسنده كسب ضعف ايدره رك زواله يوزطوتدى .
لكن علم وعرفان نوري نصرايت عالنده انتشاره باشلايه ليدن بري اسكي توحيد
عقيدة سي تقليد زنجيرليني قيرمش اولان ارباب تبك افكارينه يكيدين يول
بوليه باشلادى . »

عقيدة تثليث مخالفتده بولونانلره روا كوردون كونا كون اشكنجه لره
رغما عقيدة توحيد اون آلتنجي عصر ك اورته لرنده ، خصوصيله ايتاليا ، هولاندا ،
ترانسيلوانيا طرفلرنده انتشاره باشلادى . وبو صوك مملكتلر وحدانيت الهيه
فكرينك آوروپاچه مهد طلوعى اولدى .

ده ا صوكره لري خريستيانلر آره سنده كي موحد كليساري كرك آوروپاده ،
كرك ديكر قطعه لره . چوغاله رق هر مملكتك علمي بويوك مراکزنده بوكا عائد
اولق اوزره مكتبلر وجوده كتيريلدى . »

بو خصوصده فضله ايضاحات ايسسته ينلر غرب لسانلريله يازيلمش
محيط المعارف لره مراجعت ايد بيليرلر .

بو توحيد بحثي انگليز رجال ديتك اعظمندن معدود بولونان
لورد (ماقولى) نك سوزلريله بيتيرمك بك مناسب اوله حق ، وقتيله
(الاسلام دين الفطره) نامنده كي اثر يمزده نقل ايتديكمز او سوزلر

فردلرده دیانت کوسکونانکی

ملتلك تاريخ موجوديتلرنده ، عمومی بر دینسزلك دوره سینه تصادف ایدیه من. سماوی و باخود صنعی بر دینه منسوبیت ملتلك روحی احتیاجلرینه دائما ترجمان اولمش ؛ هیچ بر زمان ، بواحتیاجی روحلرندن چیقاراماشلردر . فقط ، ماتلری تشکیل ایدن فردلر ایچنده ، دینلره قارشى کوسکون طورانلرده هیچ بر زمانا کسیك اولمامشدر. عجیاملتلری دینلره ربط ایدن عامل مؤثرنه در؟ فردلری دینلردن کوسدیرن فاعل منفردنه در؟ ملتلرده ، تدین عاملنك احتیاجات روحیه اولدینی بالای کلامدن آکلاشیلیمشدر ظن ایدرم . فقط ، کیفیت احتیاج بر آرز محتاج ایضاح و تفسیردر. عالم کونده کی مادی و معنوی حادثاتی اسباب لدنیه ایله تعلیل و ایضاح ایدن اکابر صوفیه نك ؛ روحك دینه احتیاجی حادثه معنویه سنی طرز تعلیل و تلقیرینه کوره ، روح بر عالم علویدر. مشهود مناولان بوعوالم مادیه ایسه ، سفلیدر. بدن انسانیه ده عوالم سفلیه اجزاسندندر. روحك بدن انسانیه ده و بتون عوالم مادیه دروننده کی وضعیتی قفسده کی وطن جدا و هجراتزده بلبل شیدانك وضعیت غربانه سینه بکزره : قفس ، اوکاه ناصل بر ماوای هجران و غربت ایسه ، عوالم مادیه ده ، روحه اودرجه بابانجی ، اودرجه قسوت ویرنجی بر اقامتگاه سفلیدر. بلبل وکل نه ، کلزار وکلستانه قاووشمق ایچون ، نه قادار ناله و فغان ایدوب طورورسه ، روح ده لاهوت عالم علویسینه عروج ایتك ایچون ، او قادار حسرتکش و او قادار ألم اشتیاق ایله منالمدر . وصال الوهیته نائل اولمق ایچون ، عالم لاهوته عروج ایتك ایچون ، واسطه آزار ؛ واسطه ده دیندر ، بر دین ایله تدیندر. دینك تعلیم ایتدیکی عبادتله ، ذکر و فکرله ، سیر و سلوکار روحك عالم سفلیدن عالم علوییه ، عرش اعلايه ، ذات الوهیته عروجی ، وصالی واسطه لریدر. محرم اسرار الوهیت اولان حضرت سیدالبشرک و نماز مؤمنلرك معراجیدر ، مال عالیه سنده کی حدیث پیغمبرانه سی ایشه بو حقیقتك لسان ترجانیدر. معراج : واسطه عروج دیمکدر. روحك دینه احتیاج کوسترمه سی ، منجذب بولماسی دینك عالم علوییه ، عرش اعلايه ، ذات الوهیته عروج واسطه سی اولماسندن ایلری کلمکده در . فقط روح بو واسطه یی کندی کندینه بولمش ، کندی کندینه ایجاد ایتمش دکدر. واسطه یی آرایان روحدر ؛ ابداع واحسان ایدن ده اللهدر . اللهك دین وضع ایتمه سی روح بشرک آزادینی واسطه عروجی ویرمك ، و بو صورتله ، ایچنده قیوراندینی احتیاجی تطمین ایتك حکمت و مصلحتنه مستنددر. فقط ، اللهك صنعلیله حکمتلری نسبت عددییه تابع دکدر .

بر صنعنك مختلف و متعدد حکمتلری واردر . دین و شریعت

حلول و تثلیث عقیده لرینك بالذات خریستیانلرك عقلای نظرند نه درجه لرده مردود بولوندیغنی کوستر . (ماقولى) دیورکه :

« علمای منطق قناعتلرینی و قضیه لرینی برهان عقلی اوزرینه بنا ایتمشلردر. اونك ایچون اشیادن بر قسیمی ایچون حیطة عقل وادراکه کیرمه مك امکاتى تسلیم ایتك بونلر ایچون بك ممکندر . حال بوکه کریده قالان سواد اعظم ایچون بونی تسلیم غیرقابلدر . چونکه بو صوکره کیلرك فکرلری و قضیه لری با خیاله ، یا وهمه ، یاخود شعره استناد ایدر . بناء علیه قناعت و عقیده لرینی نظر صحیح و فکر سلیم اوزرینه قورمه مازلر . بوندن طولا ییدرکه هرامتده و هر عصرده بت پرست ادیان ظهور ایتمشدر و معتقدلرك خیالنده که اختلافه کوره الهلرك صور اشکالی ده دکیشمش طورمشدر .

تاریخ ، اسکیدن یهودیلرك دینلرینه صوقوشدورمش اولدقلری نه قدر بدعتلری ، بزلره حکایه ایتکده در . بونلر باصره و لامسه لری ایله حس ایدیه یله جککری بر معبوده مالک اولمق هوسنه قاپیلهرق کندی فاسد خیال لرینك کندلرینه تلقین ایتدیکی بر ییغین اوهام یوزندن بوضلاله صایمشلردی . دینه بیلیرکه ، مورخ شهیر (کیون) طرفندن ذکر اولونان و نصرا نیتك انتشارینه اساس اولمق اوزره ایلری سورولن اسبابك قسم اعظمی آنجق خلقك بسیط روحلری اوزرنده بویوک بر نفوذی بولونان قضایای وهمیه ایله آلوده اولدینی ایچون مؤثر اوله بیلیمش و خریستیانلی هر طرفه نشره موفق اولمشدر . اوله یاه ، مخلوق اولمایان بر الهی و کوزلرك کوره مدیکی ، تصوراتك احاطه ایدمه مدیکی بر موجودی آنجق طالمه ، حکیملر دوشونه بیلیرلر . ضعیف دماغلی افراده کلنجه بونلر معین بر شکلی اولمایان الهی تصور دن طبعیدر که اظهار عجز ایدرلر و بویله بر الهك وجودینه قائل اولان حکمای ضعیف عقل ایله اتهام ایدرلر .

ازمنه قدیمه ده روحلر طوغرو بولی کورمن اولدی. قلبلرده حس قالمادی. مقدسات تعرضه اوغرادى . بونك اوزرینه عیسی علیه السلام کلرك انسانلری جانب حق دن کتیرمش اولدینی نور هدایت دهوته باشلادی . حضرت مسیحه بر قسیمی ایمان ایتدی ، بر قسیمی ایتدی .

حضرت مسیحه اتباع ایدن خریستیانلر کندیلرندن اول کلش اولان یونانیلره ، ایرانیلره و سائرلره اصابت ایدن مصیبتدن آزاده قاله مایلر . بونلرده اله انسان صورتنده تصویر اولوندی و بو اله کندی آرم لرنده دولاشیر ، اونلره تناسله بولنور ، اونلره طارش اولان هر درلو کون و فساده معروض قالیر ، سزارلرده آغلار ، تر به لرده اوپور صورتنده کوستریلدی . ده ها صوکره بوالهك صلب اولونه رق قانی صلیک آغاچلری اوزرندن آق دینی بیلدیرلدی . بو صورتله خریستیانلر طاله قارشى یکی بریت پرستك لباسیله تجلی ایتدیلر . ده ها صوکره قیس و ره بان ایچندن وقتیه یونانیلرك یایدینی کپی بونلرده بر طاقم الهلر اتحاد ایتدیلر. نیته کیم سربخ یونانیلرجه اله حرب اولدینی کپی بابا جورج ده بونلرجه حرب الهی اولمشدی . بوندن باشقه حضرت سربمی و باشقه لرینی جمال و فنون ادب الهی تخیل ایتمشلردی. طبق زهره ایله دیگر بدی کوکبک یونانیلر نزدنده بر اله صورتنده تخیل اولوندیغنی کپی .

واقعا رجال دین آرمه سندن بر جوق متفکرلر طامه نك افکارینه چوکن بو صور و همیه یی ازاله ایچون برخیلی اوغراشدیلر سه ده موفق اوله مایلر .

هوام حالا بویله در . فضیلت و مکرمت پازارنده رواجی اولمایان بر طاقیم افسانه لره دینك قواعد اساسیه سندن زیاده قیمت ویررلر و اونلره ده ها زیاده مشغول اولمق ایسترلر . »